



## Titulli i projektit

Riorganizimi dhe Zgjerimi i rrjetit të Ujësjellësit dhe i Kanalizimeve (Bashkia Klos)

## Tipi i projektit

Shërbimet Publike

## Vendndodhja e projektit

Klos, Suç, Xibër, Gurrë

## Buxheti i paravlerësuar

900,000 lekë

## Përshkrimi dhe analiza e problemit/eve

Në situatën e re të dalë nga shkrija dhe bashkimi i njësjive të qeverisjes lokale në njësi më të mëdha, ofrimi i shërbimeve publike efektive pritet të jetë një prej rrjedhojave bazë të synuara. Ruajtja e stadit të arritur në shërbimet aktuale dhe përmirësimi i mëtejshëm, janë tendenca që duhet të ecin paralelisht. Shërbimi i Ujësjellësit në Bashkinë Klos mbulon vetëm pjesërisht popullatën, kurse aksesit ndaj rrjetit të kanalizimeve është dhe më i ulët. Të dyja shërbimet janë të manaxhuara nga vetë komunat. Mbledhja e tarifave është nën nivelin e 50%. Krijimi i një entiteti të ri, si Bashkia Klos, bën të nevojshëm riorganizimin e shërbimeve dhe shtimin e investimeve për të rritur shkallën e shërbimit dhe nivelin e aksesit në këto dy shërbime bazë, duke e bërë të krahasueshëm me nivelet kombëtare.

## Qëllimi/et specifik të projektit

Riorganizimi i shërbimit të ujësjellës-kanalizimeve dhe shtimi i investimeve për të rritur aksesin e banorëve në këtë shërbim në nivele të krahasueshme (jo më pak se) me normat mesatare kombëtare.

## Rezultatet e pritshme dhe treguesit

- Riorganizimi i shërbimit të ujësjellësit dhe kanalizimeve të ujërave të zeza, për të përfshirë të gjitha njësitë e bashkuara në një entitet të vetëm të shërbimit për të gjithë banorët (një entitet shërbimi i organizuar si korporatë publike; totali i popullsisë për t'u shërbyer është më i madh se 16000 banorë; përqindja e aksesit në rrjetin e ujësjellësive më tepër se 85% dhe për ujërat e zeza më tepër se 50%);
- Vendosja e tarifave unike të shërbimit për furnizimin me ujë dhe kanalet e ujërave të zeza në gjithë territorin e Bashkisë Klos (tarifa e publikuar dhe përfshirë në paketën fiskale të miratuar nga Bashkia Mat ose brënda taksës së gjelbërimit).
- Krijimi i një sistemi të llogaritjes së kostos së shërbimit të integruar për furnizimin me ujë dhe rrjetin e kanalizimeve të ujërave të zeza (kosto për banor, si rrjedhojë tarifë e njëjtë për të gjithë banorët e mbuluar me shërbim).
- Rritja e nivelit të arkëtimeve nga njësia e shërbimit (bilanci i veprimtarisë së njësisë së shërbimit nuk është negativ).
- Investime të reja për të përmirësuar aksesin e banorëve në këto shërbime të realizuara nga Bashkia Klos (plane dhe zbatimi i projekteve të investimit nga Bashkia Klos).
- Investime për rritjen e efektivitetit të shërbimit dhe faturimit të shërbimit dhe për të pakësuar humbjet (investimet në aparate matëse, kalimi nga tarifimi mbi shumë fikse në tarifë për m3).



## Aktivitetet e projektit

- Studimi për sistemin e shërbimit të integruar të ujësjellësit dhe ujërave të zeza dhe mënyrën e organizimit të entitetit të shërbimit (shoqëri aksionere apo bashkia).
- Rishikimi i planeve dhe projekteve të ish-njësive për investime dhe krijimi i një plani të integruar të këtyre investimeve në koordinim me strukturën përgjegjëse në nivel qendror.
- Harmonizimi i rregullores dhe statutit të njësisë që ofron shërbimin me ligjin mbi decentralizimin dhe financat lokale.
- Aprovimi në Këshillin Bashkiak i plan-projekteve të investimeve dhe kërkesave për financim nga donatorë, ose FSHZH, apo Fondi Rajonal i Zhvillimit.
- Aprovimi i tarifës së shërbimit si pjesë e paketës fiskale të aplikuar nga Bashkia dhe përfshirja e të ardhurave/shpenzimeve në plan/zbatimin e buxhetit bashkiak.
- Zhvillimi i materialeve promociionale për promovimin dhe modalitetet e shërbimit (fletëpalosje).

## Maturimi i projektit

Aktualisht, shërbimi i furnizimit me ujë në njësitë që do të bashkohen për formimin Bashkisë Klos, ofrohet nga bashkia, ose komunat. Studimi pritet të japë rekomandime për mënyrën e ofrimit të shërbimit në të ardhmen.

Ekzistojnë shume plane investimesh në zonë, të realizuara nga ish-komunat apo Bashkia Klos. Por këto plane duhet të ripunohen për t'iu përshatuar realitetit të ri të funksionimit të Bashkisë Klos.

Ligji i ri për funksionimin e Pushtetit Vendor pritet të specifikojë kompetencat dhe mënyrën e organizimit të shërbimit të furnizimit me ujë dhe kanalizimeve nga njësitë e qeverisjes vendore.

### Burimet e Financimit:

- Fondi i Zhvillimit të Rajoneve
- Fondi Shqiptar i Zhvillimit
- Transferata e Pakushtëzuara
- Të ardhurat e veta nga tarifa
- Donatorët
- Fondi i Mbështetjes së Decentralizimit

### Partnerët:

- Bashkia Klos
- Qeveria Qendrore dhe Këshilli i Qarkut
- Donatorë: BE, BERZH, Kwf

## Burimet e financimit dhe partnerët në zbatim

## Kostot e projektit

Studimi për sistemin e shërbimit të integruar të ujësjellësit dhe ujërave të zeza dhe mënyrën e organizimit të entitetit të shërbimit 800,000  
Zhvillimi i materialeve promociionale (2000 copë) 100,000